


BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD KALESIJA
Broj:P-96/04
Datum:30.12.2004. godine



Općinski sud u Kalesiji, postupajući po sudu brazeni Pejanović, u pravnoj stvari između tužitelja Zulić Huse sina Muharema iz Gorinje, Beraovica, općina Kalesija, zastupan po punomoćniku Šehić Šehi adv. iz Živinica, protiv tuženog Društvo za osiguranje "Una - Sana" Bihać, PJ Tuzla, zastupan po punomoćniku Jukić Damiru, radi naknade štete, na glavnoj raspravi održanoj dana 17.11.2004.godine u prisustvu punomoćnika parničnih stranaka dana 30.12.2004.godine, donio je slijedeću

P R E S U D U

Obavezuje se tuženi Društvo za osiguranje "Una - Sana" Bihać, PJ Tuzla, da tužitelju Zulić Husi na ime naknade štete koju je pretrpio u saobraćajnom udesu dana 21.06.2003.godine isplati novčani iznos ukupno 14.320 KM od čega za materijalnu štetu na ime tuđe njege i nabavku ortopedskog pomagala iznos od 240,00 KM, te za nematerijalnu štetu iznos od 14.080 KM i to za duševni bol zbog umanjene opšte životne aktivnosti iznos 6.400 KM, za fizičke bolove iznos od 3.400 KM, za pretrpljeni strah iznos od 2.280 KM i za naruženost srednjeg stepena iznos od 2.000 KM, sa zakonskom zateznom kamatom počev od 19.03.2004.godine pa do isplate, te da mu naknadi troškove postupka u iznosu od 3.721,60 KM, a sve u roku od 30 dana od dana donošenja presude pod prijetnjom prinudnog izvršenja.

Sa viškom tužbenog zahtjeva preko dosudjenog dijela tužitelj se odbija.

O b r a z l o ž e n j e:

Tužitelj je u tužbi od 19.03.2004.godine koju je podnio putem punomoćnika kao i riječju tokom postupka naveo da je dana 21.06.2003.godine pretrpio štetu u saobraćajnoj nezgodi koja se tog dana dogodila u mjestu Tojšići. Do saobraćajne nezgode došlo je tako što je Ikanović Senada iz Tojšića vozač pmv. marke "VW Golf 19-E", vlasništvo Jahić Ibrahima osiguranika tuženog, nakon što je pokrenula vozilo, krenula nazad prije nego što se uvjerila da tu radnju može bezbjedno izvršiti pa je zadnjim dijelom vozila ostvarila kontakt sa tužiteljem koji se u tom trenutku kretao pješice iza vozila.

U saobraćajnoj nezgodi tužitelj je zadobio teške tjelesne povrede usljed čega je kod istog nastala materijalna šteta zbog troškova liječenja kao i nematerijalna šteta u vidu pretrpjelih duševnih bolova zbog umanjene opšte životne aktivnosti, fizičkog bola i straha. Zbog toga je tužbenim zahtjevom preciziranim nakon izvršenih vještačenja tražio da sud obaveže tuženog Društvo za osiguranje "Una - Sana" Bihać PJ Tuzla da mu na ime naknade štete koju je pretrpio u saobraćajnoj nezgodi dana 21.06.2003.godine isplati novčani iznos od ukupno 17.900 KM od čega za materijalnu štetu na ime troškova tuđe njege i nabavke ortopedskih pomagala iznos od 300 KM, te za nematerijalnu štetu iznos od 17.600 KM i to za duševni bol zbog umanjena opšte životne sposobnosti iznos od 8.000